

# Leci Brugger-Cavegn, Rueras



**R. Che la mort ei per nus humans in misteri ei gnanc da dubitar. Endamen vegn quei fatg savens pér cu enzatgi en nies contuorn miera. Era il zenn da miert ha in tut agen tun. Tuttavia sch'ei pertucca vischins, parents ni enconuschents e lu en consequenza da disgrazias.**

Aschia in sentiment ha era surpriu nus vischins da Rueras udend ad annunziar la mort da Leci Brugger-Cavegn ils 15 da november. Paucas jamnas suenter sia consorta ha era el priu la davosa via da tuts mortals.

Il Leci ei naschius ils 2 da decembre 1909 sco otgavel e pli giuven affon dalla famiglia da Leci Antoni Brugger e Maria Culastia Monn. Il bab dil Leci ha

fatg empau diltut. En giuvens onns scoopign buobet ei sia famiglia stada emigrada a Messina sin l'insla Sicilia nua ch'il bab ed in aug fagevan da «patisier». Sco giuvenots ein els pli tard returnai en la patria, nua che siu frar Giuseppe Aluis Brugger ha studiau teologia ed ei pli tard staus igl enconuschent plevon da Trun e suenter da Mustér. Il Leci Antoni, il bab dil defunct ei secaus a Rueras, maridaus cheu e giu otg affons.

Sche nus lein accentuar che il bab dil Leci hagi fatg empau diltut, astg'ins veramein dir ch'era il fegl hagi surpriu quella ierta. El ha fatg il pur, il vitturin, ustier e meinafatschenta. Sias scolas ein stadas las scolas da vischnaunca, primara a Rueras e reala a Camischolas. Quei fuva dil temps che Sep Mudest Nay deva scola reala en Tujetsch. Biars da ses scolars fuwan segir aschi gronds da statura sco lur magister, aschia era il Leci. Quels han segir dau enqual muvement da lignar a scolast Nay.

Finida la scola, ils onns 1925–1940, onns da pauca lavur, negina fadigia, negina traffic d'jasters, in pign puresser e cars tscheins da praus, cheu ha ei era tier el giu num d'improvisar. Aschia fageva il bab il marcadont cun empau diltut. Sia truscha speciala fuva la marcanzia da purschals. Cheu ha il bab dil Leci giu acquistau in mél. Ins veva duemandau el daco in mél? Sia risposta ei stada: Jeu drovel quel per mia marcanzia sul cuolm e digl Uri giu e schizun tochen giu la val Bedretto. Lu ei il mél bia pli bienmarcau, cuosta buca massa pavel ed ei robusts silmeins sco in cavagl.

Dasperas sa il Leci forsa era fadigar enqual rap, nua che ozildi schiglioc negina fadigia ei d'entuorn. Ed il Leci ei seprofitaus ed ha veramein saviu far empau diltut. El fuva in giuven frestg e taffer. Cura ch'il ha fatg la mustra eis el vegnius partius en sco ordonnanza d'officier. Jeu quetel aunc da veser el

cura ch'il ha detg quei a mi cun in cert quet. Savens havein nus entupau el en survetsch sco giuven schuldaue cun tgei plascher.

Ord il giuven ha ei denton dau in um che ha tschaffau la veta pil cavez ed en onns maghers ha el ughegiau da fundar ina famiglia. Sia consorta ha el priu dalla famiglia dil Florentin Cavegn-Schmet, ustier dil vegl restaurant «Kruzipass» e dil restaurant sil cuolm d'Ursera. Ils 21 da november 1935 ei la Johanna Cavegn daventada sia dunna. Ils emprems onns da sia lètg han els sco emprems ustiers digl unviern si l'Alpsu surpriu quei restaurant. Ei seigi stau unviarns che hagien purtau en nuot. Suenter ha el fatg il pur e vitturin e zaco seigi ei iu vinavon. Enteifer quels onns ein lu ses affons naschi, sis giuvnas ed in giuven. Per quels han ils geniturs luvrau e barhau e cul temps ein era quels stai in bien agid en casa ed ustria. Ensemeneun cun ses geniturs e dus fargliuns ledis ein tuts segidai. Igl onn 1942 ha il Leci lu surpriu sur sesez la fatschenta d'ustria da siu bab.

Plinavon ei il Leci era staus pur. Pur buca d'in grond muvel, denton haveva el bugen in bein rugalau muvel. Perveseder era el in bien, el veva bugen ses animals. Bugen mava el la damaun tard a perver. Ins ha detg ad el inagada: «Te eis tards dal gianter». El ha rispondiu: «Quellas vaccas dorman taun begin la damaun.» Cu el ha entuorn ils onns 1984 vendiu sias vaccas ha el fatg si ina roscha nuorsas. Era quellas han buca giu schliet.

La veta ei biala, era la vegliadetnga sche nus capin da far ella biala ed jeu crei ch'il Leci ha contonschii quei. Daveras, il Leci ei il davos dallas treis famiglias Brugger e dallas siat famiglias Monn davart da sia mumma, da quella generaziun.

Car vischin defunct, Ti has finiu Tiu viadi terrester. Nus engraziein che nus havein aschi savens astgau s'entupar en veta. Nus Tes vischins lein tener Tei en buna memoria. Dieus consoleschi ils Tes e Ti riuaua en pasch.



## Leci Brugger-Cavegn Rueras

La nummera 23 dils 11 da november 1993 ha purtau la regurdientscha da 5 defuncts da Rueras.

Gia paucs dis suenter, ils 19 da december 1993, suonda la mort da Leci Brugger che veva buca ditg avon stuiu metter en fossa sia consorta Johanna.

Leci Brugger ei naschiuns ils 2 da december 1909 sco pli giuven dils 8 affons da Leci Antoni Brugger e Culastia Monn. Sia veta ei seplegada il pli en sia stretga patria. El ei staus luvrer, pur, viturin ed ustier. Entras sia davosa clamda eis el cunzun staus

en pei da contrahar e sedar giu cun vischins damaneivel e da lunsch. Sia veta ei stada lavur e cumbat per gl'avegnir da famiglia e fatschenta. Famiglia e casa paterna ein stadas igl ambient giavischau e tgirau dad el sia consorta Johanna. Grondas caneras, per gliez era il Leci buca igl um. El e sia consorta han cun esser ustiers, fatg ualit tgeuamein lur veta. E tgeuamein ha el priu cumiau da vischins e vischinadi.

Il Segner regaleschi ad el la veta perpetna.